



PHAU NTAWV QHIA HAUM RAU COV NEEG UA LIAJ UA TEB TXOG SGMA HAUV CHEEB NROOG SONOMA

Lub Ob Hlis Ntuj 2026



Koom txoos hais txog dej nruab av ntawm Laura's Apples, Sonoma, CA. Duab los ntawm Lan Ngo

SGMA yog dab tsi?

Yog li ntawd qhov no txhais tau li cas rau kuv daim teb los sis kuv lub tshav tsiaj?

Tsab Cai Hais Txog Kev Saib Xyuas Cov Dej Nruab Av Yam Ruaj Khov (Sustainable Groundwater Management Act, SGMA) yog thawj txoj haujlwm thoob plaws lub xeev California los mus tswj hwm cov dej nruab av, uas muab tau txog 40-60% ntawm lub xeev cov dej, tshwj xeeb tshaj yog thaum muaj ntuj qhuav. Thaum tseem tsis tau muab SGMA coj los siv nyob rau xyoo 2014, feem ntau ntawm cov dej nruab av yeej tsis muaj kev tswj hwm, ua rau cov chaw muaj kev cuam tshuam ntawd muaj cov qhov dej qhuav, av saus, thiab muaj kev tu dej. SGMA yuav tseev kom cov cheeb tsam dej uas muaj kev nqus dej siv ntau dhau, nrog rau cov cheeb tsam dej uas tseeb ceeb ua ntej qib siab thiab qib nrab, uas xam nrog 3 lub nyob rau hauv Cheeb Nroog Sonoma, los mus tsim thiab nqis tes siv cov Kev Npaj Rau Kev Ruaj Khov Ntawm Dej Nruab Av (Groundwater Sustainability Plans, GSPs) kom ntseeg tau qhov kev sib npaug ntawm cov dej nyob rau ncuu ntev.

Cov teb thiab cov tshav tsiaj hauv Cheeb Nroog Sonoma cia siab tshaj plaws rau cov dej nruab av kom tau coj los siv ywg qoob. Nyob thoob plaws cov cheeb tsam dej nruab av ntawm Vos Hav Sonoma, Vos Hav Petaluma, thiab Tiaj Santa Rosa, muaj kwv yees li 43,000 leej neeg uas tos ntsoov cov dej nruab av coj los haus thiab lwm yam kev siv tseem ceeb, thiab muaj ntau tshaj 21,800 acre ntawm cov qoob thiab cov txiv hmab uas tos ntsoov cov dej nruab av coj los ywg. Peb paub tias kev cog qoob yuav tsum tau siv dej, tab sis txhawm rau ua kom muaj kev ruaj khov mus ntev, cov neeg ua liaj ua teb yuav tsum tau txuag kom tau cov dej nruab av mus ntxiv nyob rau tej ntu sijhawm ntuj qhuav.

Yog tias koj daim teb nyob rau cheeb tsam dej nruab av uas tau teev tseg raws tsab cai SGMA:

Koj yog ib feem tseem ceeb ntawm kev tswj hwm thaj chaw uas muaj dej nruab av dav dua.

Koj tuaj yeem yeem pab soj ntsuam koj cov qhov dej thiab tshaj qhia txog kev siv dej txhua xyoo.

Tej zaum koj yuav tau them tus nqi rau kev tswj hwm dej nruab av kom muaj kev ruaj khov mus ntev.

Koj muaj cai koom nrog, tau txais txiaj ntsig los ntawm, thiab pab txhawb rau cov haujlwm tswj hwm dej nruab av hauv zos.

Yog tias muaj kev txhawj xeeb txog cov dej nruab av lossis cov qauv kev cuam tshuam tsis zoo, ces kev nqus dej nruab av yuav raug muab tswj hwm, uas muaj feem yuav txwv tsis pub siv ntau.



Yuav muaj dab tsi tshwm sim yog tias peb siv dej nruab av ntau dhau?

Kev nqus dej ntau dhau tuaj yeem ua rau muaj ntau yam teeb meem loj heev rau cov zej zog, cov kab kev ntawm ib puag ncig, thiab tej vaj tsev mus rau tej kev, uas xam nrog:

Kev ua rau qib dej nruab av nqis

Cov qhov dej yuav qhuav thaum qib dej nruab av qis zuj zus.

Lub peev xwm khaws dej nruab av poob qis

Yog tias ib lub chaw khaws dej nruab av twg pob lawm, nws yuav rov sam dej tsis tau lawm txawm tias yuav muaj lwm cov dej los sam rau hauv los xij.

Av saus

Thaum muaj kev nqus dej tawm, daim npoo av saum toj ntawd yuav saus, uas yog hu ua av saus. Av saus tuaj yeem ua rau muaj kev puas tsuaj rau tej khoom tsim uas raug nqi siab xws li tej kev thiab tej kwj dej.

Cov dej saum npoo av raug cuam tshuam

Cov dej nruab av yuav tsis ntwis rov qab mus rau cov kwj dej, kwj hav, niam dej, thiab cov hav iav uas yog qhov chaw nyob tseem ceeb rau cov tsiaj qus.

Qhov zoo ntawm dej poob qis

Thaum cov dej tsawg zuj zus lawm, ces cov khoom phem uas yog lub ntuj tsim thiab tib neeg tsim yuav muaj ntau zuj zus tuaj nyob rau hauv cov dej uas tseem tshuav ntawd, uas yuav ua rau qhov zoo ntawm cov dej poob qis.

SGMA ua haujlwm li cas hauv Cheeb Nroog Sonoma?

Cov dej nruab av raug tswj hwm los ntawm peb lub Koom Haum Saib Xyuas Kev Ruaj Khov Ntawm Dej Nruab Av (Groundwater Sustainability Agencies, GSAs) ywj pheej, uas sib sau ua ke ces muab hu ua **Cov GSA Hauv Cheeb Nroog Sonoma:**

GSA Hauv Vos Hav Sonoma

[\(https://sonomavalleygroundwater.org/\)](https://sonomavalleygroundwater.org/)

GSA Hauv Vos Hav Petaluma

[\(https://petalumavalleygroundwater.org/\)](https://petalumavalleygroundwater.org/)


GSA Hauv Tiaj Santa Rosa

[\(https://santarosaplainingroundwater.org/\)](https://santarosaplainingroundwater.org/)

Tau tsim nyob rau xyoo 2017, cov koom haum no txhua lub yeej muaj ib Pawg Thawj Coj, ib Pawg Neeg Pab Tswv Yim, nrog rau cov neeg ua hauj lwm sab kev kws thiab kev tswj hwm. Cov GSA koom tes ua haujlwm los mus nqis tes ua cov tes haujlwm thiab cov haujlwm saib xyuas dej nruab av hauv peb thaj chaw uas muaj dej nruab av, raws li tau teev tseg rau hauv txhua lub koom haum cov Kev Npaj Rau Kev Ruaj Khov Ntawm Dej Nruab Av uas tau txais kev pom zoo coj los siv nyob rau xyoo 2021 thiab tau txais kev pom zoo los ntawm lub Chaw Saib Xyuas Kev Pab Txhawb Dej nyob rau xyoo 2023. Cov GSA hauv Cheeb Nroog Sonoma yuav tsum ua kom tau raws li cov hom phiaj kev nce qib zuj zus thiab ua kom tiav qhov kev ruaj khov ntawm cov dej nruab av tsis pub dhau xyoo 2042 raws li tsab cai SGMA. Yog tias cov GSA hauv zos ua tsis tau zoo txaus, ces Pawg Tswj Xyuas Kev Pab Txhawb Dej Hauv Xeev tuaj yeem nkag mus pab txhawb nqa uas yuav muaj lwm yam nqi ntxiv thiab muaj kev tswj hwm ntau ntxiv. Txhawm rau pov thaiv kev tswj hwm peb cov kev pab txhawb dej nruab av hauv zos ncua ntev mas peb cov GSA yuav tsum raug txiav txim kom ua tiav kev ruaj khov tsis pub dhau xyoo 2042.

Yog tias koj tsis paub tseeb hais tias koj daim teb lossis lub tshav tsiaj nyob rau qhov twg, ces qhov Chaw Sib Hloov Pauv Ntaub Ntawv Lus Qhia Neeg Siv Dej Nruab Av (Groundwater User Information Data Exchange, GUIDE) (<https://tinyurl.com/SocoGUIDE>) tuaj yeem pab qhia txog koj lub GSA.





Kuv yuav tau them nqi npaum li cas?

Koj cov nqi rau cov tswv av, uas raug xam rau hauv cov nqi se vaj tse, tuaj yeem saib tau los ntawm kev nkag mus rau hauv qhov Chaw Sib Hloov Pauv Ntaub Ntawv Lus Qhia Neeg Siv Dej Nruab Av (Groundwater User Information Data Exchange, GUIDE). Ua raws li cov lus qhia txhawm rau sau qhov chaw nyob ntawm koj lub tsev lossis tus naj npawb APN, ces yuav muaj ib lub npov tshwm tuaj qhia txog koj qhov kev siv dej nruab av raws kev kwv yees, hom vaj tsev, thiab kev xam tus nqi rau ib lub xyoo. Koj muaj txoj kev xaiv los sau ib daim ntawv ntsuam xyuas ntawm no (<https://tinyurl.com/SocoGUIDE>) txhawm rau ntiv lwm yam lus qhia lossis kho cov lus qhia uas twb muaj nyob rau hauv qhov kab kev lawm.

Cov GSP hauv Cheeb Nroog Sonoma yuav teev qhia li cas txog kev siv dej nruab av kom muaj kev ruaj ntseg mus ntev?

Kev siv kom muaj kev ruaj khov tshab txhais txog kev nqus dej nruab av los siv uas yuav tsis ua rau muaj tej yam uas tsis xav tau tshwm sim, xws li:

Dej hiav txwv nkag los

Dej ntsev uas yuav ua kom tsis huv rau cov chaw khaws dej huv hauv av.

Cov qib dej nruab av poob qis ncua ntev

Cov qhov dej qhuav zuj zus.

Kev hloov pauv ntawm kev khaws dej nruab av cia

Muaj dej tsawg dua thiab kim dua nyob rau yav tom ntej.

Av saus

Av saus uas tsim kev puas tsuaj rau cov khoom tsim xws li tej vaj tse thiab tej kev.

Qhov zoo ntawm dej poob qis

Cov khoom phem muaj kuab ntiv thaum cov qib dej poob qis.

Cov kev cuam tshuam rau cov kab kev ib puag ncig ntawm cov dej npoo av / cov dej nruab av uas muaj kev sib txuas.

Kev puas tsuaj rau ib puag ncig hauv zos uas tos ntsoov cov dej nruab av.

Cheeb Nroog Sonoma tau muaj kev npaj dab tsi rau yav tom ntej?

Txhawm rau ua kom cov qib dej nruab av rov qab los nyob li qub thiab ua tau raws li cov hom phiaj ntawm SGMA, tej zaum cov cheeb tsam dej nruab av no yuav tsum txo kev nqis thiab/ lossis us kom muaj kev sam dej nruab av ntau ntiv. Kev sib xyaws ntawm cov cai txhawb, cov haujlwm saib xyuas thiab lwm cov haujlwm tuaj yeem muab siv ua ke txhawm rau txo qhov nrawm ntawm kev nqis dej nruab av los siv. Cov tes haujlwm uas tsim tau lwm txoj hauv kev los muab dej siv tuaj yeem pab txo tau qhov kev siv dej nruab av xam tag nrho. Cov GSA tab tom tsum ntsees ua ntej rau kev daws yam tsis muaj hauv cov ntaub ntawv tseem ceeb uas yuav tsum tau siv los mus soj ntsuam cov dej nruab av thiab cov kev nqis tes ua raws kev txaus siab ntawm tus kheej txhawm rau txo kev siv dej nqis. Yog tias cov kev nqis tes ua raws kev txaus siab tsis tau txais txiaj ntsig zoo, tej zaum kuj yuav tau siv cov kev nqis tes raws txoj cai lawm yav tom ntej. Nyob ntawm seb puas muaj nyiaj pab, cov haujlwm uas tseem niaj hnub ua thiab cov haujlwm saib xyuas thoob plaws peb lub cheeb tsam dej nruab av uas xam muaj:



LevelUp! VoluntaryWellMonitoring

Cov GSA tab tom nrhiav cov tswv av uas muaj qhov dej los koom rau hauv txoj haujlwm soj ntsuam qib dej nruab av hauv cheeb tsam uas ua raws kev txaus siab, txhawm rau saib xyuas qib dej hauv av. Lub hom phiaj ntawm txoj haujlwm no yog ua kom muaj kev nkag siab zoo dua qub txog ntawm qib dej nruab av hauv peb cheeb tsam. Sau npe nkag ntawm: <https://sonomacountygroundwater.org/voluntary-monitoring>.



Flow Smart Voluntary Metering

Cov GSA yuav koom tes nrog cov tswv qhov dej txhawm rau suav sau cov ntaub ntawv hais txog kev siv dej raws kev siv cov cuab yeej ntsuas dej ntws hauv qhov dej. Txoj haujlwm no muab lub cuab yeej ntsuas dej ntws hauv qhov dej nruab raws kev tsheej kws, uas yuav ua rau cov tswv qhov dej paub txog cov dej nruab av uas lawv tab tom nqis tawm – yam tsis sau nqi dab tsi ntawm tus tswv qhov dej li. Sau daim foos qhia txog kev txaus siab kom raug muab txiaj txim nkag rau hauv txoj haujlwm no. Muaj lus qhia ntiv ntawm no: <https://sonomacountygroundwater.org/flow-smart>.



Well Aware (Txoj Haujlwm Txav Chaw Txog Kev Siv Dej Kom Muaj Txiaj Ntsig Raws Kev Txaus Siab)

Cov Cuab Yeej Ntawm Well Aware yog ib yam kev pab txhawb tshiab uas muaj kev sib cuam tshuam uas tsim qauv los ntawm cov GSA txhawm rau txuas cov neeg siv qhov dej uas muaj cov cuab yeej thiab cov kev pab txhawb uas siv tau los mus txiaj txim siab yam ntse ntsuav thiab paub zoo txog ntawm kev siv cov dej nruab av hauv lawv thaj av. Cov cuab yeej no muab cov lus qhia uas tsim tshwj xeeb rau koj hom av uas yuav txuas koj mus rau cov tswv yim txuag dej raws siab nyiam, cov tes haujlwm pab nyiaj txiaj, thiab cov kws txawj hauv cheeb tsam. Muaj lus qhia ntiv ntawm no: <https://sonomacountygroundwater.org/well-aware> <https://wellawaretoolkit.org>

Cov Nqi Rau Kev Ruaj Khov Ntawm Dej Nruab Av

Cov nqi txhawb nqa kev ruaj khov ntawm dej nruab av uas tau pom zoo siv tam sim no (Xyoo nyiaj txiaj FY25-26) yog \$323.42 rau ib acre-foot uas tau siv (Vos Hav Petaluma), \$143.02 rau ib acre-foot uas tau siv (Vos Hav Sonoma), thiab \$44.70 rau ib acre-foot uas tau siv (Tiaj Santa Rosa).

Txawm li cas los xij, lub Cheeb Nroog Sonoma tau pab nyiaj los pab ua kom cov nqi sib npaug thoob plaws peb lub cheeb tsam dej nruab av ntawm lub Tiaj Santa Rosa uas GSA ntsuas rau thawj tsib lub xyoos (txog ntua xyoo 2027). Cov nqi raug sau raws ib daim nqi se av ntawm tus tswv av. Koj tus nqi hauv ib lub xyoos tuaj yeem saib tau los ntawm kev mus rau hauv GUIDE (<https://tinyurl.com/SocoGUIDE>) thiab ua raws li cov lus qhia.



Ntxiv rau cov tes haujlwm uas tau teev tseg saum toj no, muaj ntau txoj haujlwm thiab ntau lub luag haujlwm uas tseem nyob rau hauv ntu npaj lossis ntu kev nqis tes theem pib. Yog xav tau cov lus qhia tshiab-tshiab, ces mus saib hauv qhov chaw tshaj xov xwm (<https://sonomacountygroundwater.org/blog>) hais txog cov dej num ntawm GSA lossis mus koom rau cov rooj sab laj ntawm koj lub GSA. Cov haujlwm ntu pib thiab cov kev nqis tes ua ntawm kev saib xyuas thoob plaws hauv pib lub cheeb tsam dej nruab av muaj xws li:

Cov Haujlwm Nthuav Dav Kev Siv Dej Kiv Mus Los

Ua kom muaj kev siv dej kiv mus los ntau ntxiv rau kev siv dej ywg qoob uas tsim nyog los hloov chaw rau txoj kev nqis dej nruab av thiab txhim kev ruaj khov ntawm cov dej siv.

<https://sonomacountygroundwater.org/category/recycledwater>

Cov Haujlwm Pab Rau Kev Khaws Dej thiab Kev Kho Chaw Khaws Dej Nruab Av

Kev siv cov dej haus los ntawm kab kev Niam Dej Lav Xias (Russian River) lub caij ntuj nag uas muaj rau siv txhawm rau khaws dej cia rau hauv cov chaw khaws dej nruab av cia siv thaum muaj kev xav tau.

<https://sonomacountygroundwater.org/aquifer-storage-and-recovery-projects-under-way>

Kev Tuav Dej Nag thiab Kev Sam Dej

Kev tuav dej nag nyob rau lub caij ntuj nag kom txo tau cov dej ntwis tawm mus, ua kom av noo tuaj ntxiv thiab muaj kev sam dej rau cov dej nruab av ntxiv.

<https://sonomacountygroundwater.org/category/groundwater-recharge>

Kev Nruab Ntau Lub Qhov Dej Soj Ntsuam Ntxiv

Ntxiv yam tsis muaj ntawm cov ntau ntawv kom muaj kev saib xyuas zoo dua.

<https://sonomacountygroundwater.org/category/monitoring-wells>

Cov Kev Tshawb Fawb Txog Tej Chaw Nyob Ntawm Tsiaj thiab Nroj Tsuag Ywj Pheej Txog Cov Dej Npoo Av thiab Cov Dej Nruab Av Uas Muaj Qhov Sib Txuas

Ntsuam xyuas thiab pov thaiv cov kab kev ntawm tej chaw nyob ntawm tsiaj thiab nroj tsuag uas tos ntsoov cov dej saum npoo av thiab cov dej nruab av tib si.

<https://sonomacountygroundwater.org/what-is-interconnected-surface-water-what-do-we-know-about-it-in-our-gsa-basins>

Cov qhov dej puas tau qhuav?

Tau tshaj qhia hais tias muaj cov qhov dej qhuav nyob rau ntau qhov chaw hauv Cheeb Nroog Sonoma, tshwj xeeb yog nyob rau hauv cov chaw uas cov kev pab txhawb dej nruab av poob qis vim muaj ntuj qhuav, kev siv dej ntau, thiab kev siv dej ntau tshaj qhov rov tsim tau. Tam sim no Cheeb Nroog Sonoma tab tom tsim ib qhov Kev Npaj Txog Kev Daws Teeb Meem Thaum Muaj Ntuj Qhuav uas siv thoob plaws lub cheeb nroog los pab daws teeb meem rau cov qhov dej hauv tsev uas yuav raug cuam tshuam thaum cov dej nruab poob qis nrog rau kev pab tswv yim los ntawm GSA. Cov GSA kuj tseem tab tom tshuaj xyuas seb qhov twg muaj feem ua rau qhov dej qhuav raws li qhov tob ntawm cov qhov dej hauv cov cheeb tsam uas muaj kev txhawj xeeb tshwj xeeb txog qhov uas qib dej nruab av tab tom poob qis. Yog tias koj lub qhov dej qhuav lawm, ces muab qhia mus rau California lub Chaw Saib Xyuas Kev Pab Txhawb Dej:

<https://mydrywell.water.ca.gov>

Puas tuaj yeem kuaj tau kuv lub qhov dej seb puas muaj dej hiav txwv nkag los?

Cov koom haum GSA hauv Vos Hav Petaluma thiab Sonoma tab tom pab ib tes haujlwm soj ntsuam txog kev nkag los ntawm cov dej hiav uas yog ua raws kev txaus siab txhawm rau ua kom nkag siab txog qhov chaw zoo dua tuaj thiab qhov ntau tsawg ntawm cov dej hiav txwv uas nkag los nyob rau cheeb tsam Sab Qab Teb ntawm cov cheeb tsam dej nruab av no. Tuaj yeem muab qauv dej ntawm cov qhov dej los nrhiav yam qhia txog dej ntsev xws li chloride yam tsis sau nqi dab tsi ntawm koj.

Yog tias koj xav paub ntau ntxiv txog ntawm tes haujlwm no lossis koj muaj ib lub qhov dej hauv cheeb tsam Baylands, ces tiv tauj mus rau info@petalumavalleygroundwater.org. Qhov uas muaj tes haujlwm yuav nyob rau ntawm seb puas muaj nyiaj pab yav tom ntej.

Cheeb Nroog Sonoma yuav saib xyuas cov qhov dej tshiab li cas?

Tus Txheej Txheem Ntawv Thov

Yog tias koj xav tshau ib lub qhov dej tshiab, ces koj yuav tsum xa ib daim ntawv thov mus rau Permit Sonoma, uas yog lub koom haum saib xyuas txog cov ntawv tso cai tshau qhov dej. Yuav muaj ntau txoj cai raws li qhov ntau ntawm cov dej uas koj yuav muab nqus tawm. Yog tias xav tau daim ntawv teev tag nrho cov kev cai:

<https://permitsonoma.org/wellpermittinginfo>.

Kev Txiav Txim Txog Ntuj Qhuav

Cov ntawv tso cai tshau qhov dej tshiab yuav tsum ua raws li lub xeev cov kev cai hais txog ntuj qhuav. Tej zaum yuav muaj qee txoj cai hais txog kev txuag dej lossis Kev Tshuaj Xyuas Kev Ntseeg Siab Rau Sawv Daws uas yuav muab siv rau koj. Qhov no txhais tau hais tias koj daim ntawv thov yuav raug tshawb xyuas raws lub Cheeb Nroog qhov kev npaj cia txog ntuj qhuav txhawm rau ua kom paub tseeb tias nws yuav tsis muaj kev puas tsuaj rau cov qib dej nruab av.

Cov Kev Cai Hais Txog Kev Ntsuas thiab Kev Soj Ntsuam Qhov Dej

Txhua lub qhov dej tshiab uas nyob rau cov av uas yuav siv dej ntau tshaj 2.0 acre-feet hauv ib lub xyoos yuav tsum tau nruab ib lub cuab yeej ntsuas dej rau thiab yuav tsum tau tshaj qhia txog kev siv dej. Tseem yuav tsum tau soj ntsuam qhov tob ntawm cov dej nruab av thiab yog tias tag nrho cov dej nruab av uas siv ntawd ntau tshaj 5.0 acre-feet hauv ib lub xyoos.

Cov Hom Phiaj Kev Ruaj Khov thiab Kev Sib Qhia Ntaub Ntawv

Permit Sonoma thiab cov GSA sib txuas lus yam tsis tu ncua thiab sib qhia ntaub ntawv kom ntseeg tau tias txhua lub koom haum paub txog cov xwm txheej ntawm dej nruab av. Tag nrho Permit Sonoma thiab cov koom haum GSA puav leej koom lub hom phiaj uas txhua lub qhov dej tshiab muaj kev ruaj khov thiab tsis ua rau muaj kev cuam tshuam tsis zoo rau cov dej nruab av ntawm thaj chaw ntawd.

Cov Kauj Ruam Kev Nqis Tes Ua rau Cov Neeg Ua Liaj Ua Teb Qib Me:

Paub Txog Yam Tshiab Tas Li

Sau npe nkag kom tau txais yam hloov tshiab raws email thiab ntawv xov xwm nyob rau Cheeb Nroog Sonoma.

<https://sonomacountygroundwater.org/subscribe-to-our-newsletter-and-email-updates>

Koom Nrog

Mus koom cov rooj sab laj thiab cov rooj cob qhia uas qhib rau sawv daws thiab/lossis sau npe nkag rau ib qho twg ntawm cov tes haujlwm hauv zej zog ntawm cov koom haum GSA

Koom Tes

Koom tes nrog cov pab pawg ua liaj ua teb hauv cheeb tsam thiab lwm cov neeg ua liaj ua teb ua ke txhawm rau sib qhia txog kev paub thiab cov kev pab txhawb.

Npaj

Tshawb nrhiav koj cheeb tsam dej nruab av, nrhiav koj tus nqi kev ruaj khov, thiab ntsuam xyuas koj qhov kev siv dej tam sim no los ntawm cov cuab yeej xws li tes haujlwm GUIDE (<https://tinyurl.com/SocoGUIDE>). Tshawb nrhiav txog kev siv Cov Txheej Txheem Kev Saib Xyuas Uas Zoo Tshaj Plaws (Best Management Practices, BMPs) los ntawm cov cuab yeej xws li Cov Cuab Yeej Ntawm Well Aware (<https://wellawaretoolkit.org>) txhawm rau txhim kho kev siv dej kom tau txais txiaj ntsig zoo thiab mus raws li cov kev cai tswj hwm tshiab uas yuav muaj tom ntej no

Kuv yuav ua li cas thiaj paub ntau ntxiv?



CAFF Qhov Kev Nthuav Tawm Rau Cov Neeg Ua Liaj Ua Teb Qib Me

Reyna Yagi, Tus Tuav Haujlwm Raws Ntawv Cog Lus Sab Kev Koom Tes Hauv Zej Zog Txog Dej Nruab Av rau Cheeb Nroog Sonoma, ntawm reyna@caff.org or (925) 408-3362

Kev Txhawb Nqa Sab Kev Cai Lij Choj thiab Kev Kws: CAFF pab txuas cov neeg ua liaj ua teb qib me mus rau cov kev pab cuam sab kev cai lij choj thiab dej los uas muab ntawm UC Davis Water Justice Law Clinic thiab Dudek



Cov lus nug txog ntawm koj lub koom haum GSA?: Tiv tauj rau tus Neeg Tswj Hwm Haujlwm ntawm koj lub koom haum GSA

Vos Hav Sonoma (administrator@sonomavalleygroundwater.org)

Vos Hav Petaluma (administrator@petalumavalleygroundwater.org)

Tiaj Santa Rosa (arodgers@santarosaplainingroundwater.org)



California lub Chaw Saib Xyuas Kev Pab Txhawb Dej (DWR)

Txoj Haujlwm Saib Xyuas Cov Zej Zog Uas Tsis Tshua Muaj Tus Sawv Cev, Cov Neeg Xeeb Txawm hauv California, thiab Kev Pab Cuam Sab Kev Kws Txog Dej Nruab Av Rau Cov Neeg Ua Liaj Ua Teb Qib Me (Underrepresented Communities, California Tribes, and Small Farmers Groundwater Technical Assistance, URCTA)

URCTA@water.ca.gov

Cov ntaub ntawv no yog npaj los ntawm Txoj Hauj Lwm Saib Xyuas Txoj Cai Txhawb Dej Ntawm CAFF thiab tau txais nyiaj txhawb nqa puv ntwb los ntawm Cov Cai Hais Txog Cov Nyiaj Npaj Tseg rau xyoo 2021 thiab 2022 raws lub Chaw Saib Xyuas Kev Pab Txhawb Dej (DWR), rau Txoj Haujlwm Saib Xyuas Cov Zej Zog Uas Tsis Tshua Muaj Tus Sawv Cev, Cov Neeg Xeeb Txawm hauv California, thiab Kev Pab Cuam Sab Kev Kws Txog Dej Nruab Av Rau Cov Neeg Ua Liaj Ua Teb Qib Me.

Cov ntaub ntawv nthuav tawm no muab cov lus qhia tshwj xeeb txog lub cheeb tsam dej lossis lub cheeb tsam dej me thiab qhia txog cov haujlwm saib xyuas dej nruab av hauv cheeb tsam uas yuav cuam tshuam rau cov neeg ua liaj ua teb qib me hauv cov cheeb tsam no. Cov ntaub ntawv no yuav tsis qhia txog cov luag haujlwm los sis cov qauv kev cai tswj hwm raws cai uas muab siv los ntawm lub Chaw Saib Xyuas thaum tswj hwm nws txoj kev khiav haujlwm raws tsab cai SGMA.